

詩地理攷略卷之二

永新尹繼美湜軒

平陳與宋

陳今陳州府治宋今歸德府治並詳前鄭箋云平陳與宋謂使
告宋曰君爲主敝邑以賦與陳蔡從事詳隱四年左傳

涇以渭濁

涇水出今甘肅平涼府治平涼縣笄頭山亦名崆峒山歷涇州
及陝西邠州北又歷西安府醴泉縣東涇陽縣西至高陵縣界
入渭渭水出今甘肅蘭州府渭源縣西烏鼠山流入陝西鳳翔
府寶雞縣界歷岐山扶風二縣又歷西安府盩厔與平咸陽三

縣經府城北又東過渭南縣北至同州府華陰縣東北入河蔣氏師龠云陸氏釋文孔氏疏誤解鄭箋皆謂涇濁渭清疏并引漢溝洫志潘岳西征賦爲證考漢志大始二年白公奏穿渠引涇水首起谷口尾入櫟陽注渭中袤二百里溉田四千五百餘頃新穿之渠無有不濁當日涇水一石其泥數斗且溉且糞長我禾黍之歌蓋專就谷口至櫟陽之涇水言之此西征賦涇濁渭清之句所自來而未可以證毛詩也伏讀

御製涇清渭濁紀實釋以字之義定以涇之清因渭而濁復命陝西撫臣履勘二水繪圖以進則涇至高陵入渭始濁涇北渭南一望而辨並詳詩管見

黎侯

詩序式微黎侯寓于衛其臣勸以歸也旄丘責衛伯也狄人迫

逐黎侯黎侯寓于衛衛不能修方伯連率之職黎之臣子以責

於衛也案黎帝堯之後呂氏春秋武王封帝堯後於黎或云商後子姓國史左

傳杜注上黨壺關縣有黎城漢書地理志上黨郡壺關縣應劭云黎侯國也今黎亭是黎城

在今山西潞安府治長治縣西南長治縣本黎侯國漢置壺關縣隋以後為上黨縣通典潞

州上黨縣魏書地形志或云在今黎城縣魏書地形志劉陵縣有黎侯城括

古黎侯國地志故黎城黎侯國也在潞州黎城縣東北十八里案黎城漢為路縣大清一統志云黎國應

劭杜預以為在壺關今長治縣界魏收以為在劉陵括地志以

為在黎城今黎城縣也二說不同相去幾二百里後漢志則壺

關路縣兩存其說意者黎國本在長治縣西南黎侯嶺下至晉

立黎侯或徙於今黎城縣地故襄宇記於上黨縣則曰本黎侯

正黎侯是春秋以後之壺關本漢壺關又今壺關縣亦黎國地縣地故羅念菴

黎非商周黎國故地也壺關本漢壺關廣輿圖於黎城壺嚴華谷云陳曰黎在上黨之狄

關並注黎侯國東即古衛地衛之附庸也滅之故黎侯寓於衛何元子云黎侯式微旄丘二詩鄭譜謂衛

宣公時作衛宣當魯攻魯宣十五年晉景公伐赤狄潞氏數其

奪黎氏地六月滅潞潞今路安七月略狄土立黎侯而還此衛

穆公時也路史以晉景所立之黎侯為

邢侯之姨譚公維私

邢侯爵周公之後元和志邢州古邢侯之國邢侯為紂三公其

地在漢曰襄國在隋曰邢州今直隸順德府治邢臺縣也縣西

襄國故城僖二十五年為衛所滅譚子爵少昊後嬴姓路莊十年為

齊所滅今山東濟南府治歷城縣東南七十里有古譚城

郇伯勞之

郇交昭之國

通志或言文王第十七子

侯爵為州伯

據毛鄭說

後地屬晉僖二十

四年狐偃盟於郇杜注解縣西北有郇城成六年郇瑕氏之地

杜注郇瑕古國名河東解縣西北有郇城

服虔云郇國郇瑕氏之墟也杜氏春秋釋

例云郇郇瑕氏二名古國

水經注涑水又西逕郇城詩曰郇伯勞之蓋其故

國也

案文十二年左傳秦侵晉入瑕杜注云猗氏縣東北有瑕城是瑕與郇瑕為二地水經注云涑水又西南逕瑕城晉

大夫詹家之故邑也今蒲州府臨晉縣東南有瑕城乃詹嘉所

處之瑕非郇瑕也顧錫山謂郇瑕之瑕在蒲州詹嘉之瑕在陝

州則不然據春秋釋例標文十二年之瑕注云河東猗氏縣東

北有瑕城於文十三年詹嘉處瑕之瑕不復標注其為一地無

疑郇城在今蒲州府猗氏縣西南

大清一統志或云在臨晉縣東北

見方輿紀要案臨晉縣為漢晉解縣地又桓九年荀侯伐曲沃杜但注國名而不

詳所在水經注汾水與古水合水出臨汾縣故城西臨汾故城在今絳州

東北二十五里又西逕荀城東古荀國也汲郡古文晉武公滅荀以賜

大夫原氏也荀城在今絳州西十五里與郇異地徐鉉云荀姓郇侯後路史

云荀一作珣一作郇猗氏西南古郇城佑謂猗氏古郇國竹書紀年次於郇汾水所經荀城是也此以荀郇為一與舊說異高

氏士奇云逸周書王會解天子南面而立唐叔荀叔周公在左孔晁云唐荀皆成王弟是郇為文昭荀為武穆其為兩國無疑

應劭以漢扶風枸邑為郇國通志誤

我徂東山

詩地理攷商故都在河北唐杜牧以河北為山東秦漢謂山東

山西者皆指太行山東山即商地程氏云東山所征之地李氏

云三監叛其地在王室之東周公自周征之是自西而東故謂東征

四國是皇

四國毛傳云管蔡商奄也管蔡商詳前奄嬴姓之國左傳在魯

地在淮夷之旁括地志兗州曲阜縣奄里即奄國之地案奄里

在今曲阜後遷於齊地書序成王東伐淮夷遂或云四國三監

及淮夷也東山孔疏書序武王崩三監及淮夷叛周公相成王

武庚鑒於殷國者也是三監或云四國三監及武庚也山說

周道倭遲

漢地志扶風郡郁夷縣詩周道郁夷有汧水祠師古云詩四牡

駢駢周道倭遲韓詩作郁夷字言使臣乘馬行於此道案漢郁

夷故城在今鳳翔府隴州西寶雞縣亦漢郁夷縣地水經注沂

慈山東南逕郁夷縣平陽故城南又東流注于渭渭水之右確

渭水注之水出南山茲谷即太公垂釣之所北流十二里注于

鳳翔府寶雞縣獵狃之故

獵狃毛傳云北狄也鄭箋云今匈奴也案漢書匈奴傳匈奴其

先夏后氏之苗裔曰純維師古云以殷唐虞以上有山戎獫狁

薰粥師古云皆詩經備攷獫狁即商之獯鬻漢之匈奴案晉灼

日葦粥周曰獫狁秦曰匈奴唐之突厥宋之契丹其俗尚武以

射獵為生又畏暑耐寒至秋氣折膠弓幹可用每侵邊境故中

國戍役以兩期爲限春時而往及秋而代代者已至猶留前戍
備秋至十一月始歸案此本程子說所謂歲亦暮止正此時也

往城于方城彼朔方

毛傳方朔方近獫狁之國孔疏下云城彼朔方故知方是北方近獫狁之國朔方地名云國者以國

表地非國名也水經注河水又東南逕朔方縣故城東北詩所謂城彼

朔方也漢元朔二年大將軍衛青取河南地爲朔方郡使校尉

蘇建築朔方城卽此城也師古漢書注當北地郡之北黃河之南案朔方今爲鄂

爾多斯地在榆林府北塞外河套內朱傳以爲在靈夏二州誤

漢朔方郡凡十縣三封朔方修都臨河呼道窳渾渠搜沃塹廣

牧臨戎也朔方故城在今鄂爾多斯右翼後旗界內三封縣爲

郡治其故城在鄂爾多斯右翼後旗正西河外渠搜故城在故

朔方城東臨河故城在故朔方城西北境廣牧故城在故朔方

城西臨戎為後漢郡治其故城在故朔方城西河向北流之東岸大清一統志云三封故城在套外黃河西岸沃埜故城當在今套外河水北流一曲之西而窺渾故城則在今阿爾坦山之南騰格里湖之側朔方一郡惟此三縣在套外耳又云夏州今榆林府為上郡地晉時赫連勃勃於晉延水北築統萬城在榆林府西南二百里元魏於此置夏州漢北地郡治富平在今靈州界晉時亦為赫連勃勃所有後魏始置靈州隋置朔方郡治夏州唐朔方節度治靈州故元和志寰宇記誤以夏州為漢朔方明一統志誤以宣夏為漢朔方也乾隆府廳州縣志云鄂爾多斯共十三旗在歸化城西二百八十里河套內本秦新秦中地漢初為匈奴所有武帝元朔二年置朔方郡屬并州後漢末廢晉永嘉後歷為前後趙前後秦地義熙中赫連勃勃據此隋於其地東置勝州西置豐州唐末拓跋思恭鎮此五代至宋金皆為李夏所有元滅夏立西夏中興等路後廢其地東屬東勝雲內二州及延安宜夏等路明初城東勝等州並立屯戍耕牧其內天順間蒙古酋長阿羅出與毛里孩始入河套弘加斯甫復糾合滿都護倚為巢穴宏治間火篩復入其中嘉靖中套西吉囊部落擊破火篩居此後屬於察哈爾是為鄂爾多斯本朝天聰九年滅察哈爾其部始來歸

薄伐西戎

西戎即犬戎

國語注犬戎西戎之別名

孟子稱昆夷絲詩稱混夷即氏羌也

通典云西戎出自三苗蓋姜姓漢金城之西南羌地是也通考

云氏者西戎之別種或號青氏或號白氏或稱蚺氏居於仇池

詳後

詩地理攷曹氏云西北二虜相犄角為寇故征獫狁則西戎作伐西戎則獫狁平案夷有九種曰吠夷于夷方夷黃

夷白夷赤夷元夷風夷陽夷又一日元菟二曰樂浪三曰高麗

四曰滿飾五日鳧更六曰索家七曰東屠八曰倭人九曰天鄙

蠻類有八一日天竺二曰咳首三曰焦僂四曰跋踵五日穿胸

六曰儻耳七日狗軼八曰旁春戎類有六一曰僂夷二曰戎夷

三日老白四曰耆羌五日鼻息六曰天剛狄類有五一日月

支二曰穢貊三日勾奴四曰單于五日白屋詳爾雅刑疏

南山有臺北山有萊

胡氏通鑑注關中有南山北山自終南太白連延至商嶺為南

山自甘泉連延至崧嶽九嶷為北山

整居焦獲

焦獲非池陽之焦獲別詳詩管見

侵鎬及方

鎬方毛傳訓北方地名案漢書劉向疏詩曰來歸自鎬我行永

久千里之鎬猶以為遠師古注鎬非豐鎬之鎬鎬今未詳所在正字通謂今靈

夏等地亦曰鎬尚未可據朱傳方疑即朔方也朔方見前

至于涇陽

涇水名詳前漢有涇陽縣屬安定郡其故城在今甘肅平涼府

治平涼縣西

大清一統志涇水源出平涼縣西東流逕邠北又東逕涇州北又東入邠州長武縣界

至于大原

大原非今山西之大原別詳詩管見

蠶爾蠻荆

毛傳蠻荆荆州之蠻案蠻當出自三苗三苗本居荆州史記正義吳起

言三苗之國左洞庭而右彭蠡今江州鄂州岳州也通典潭州岳州衡州皆古三苗地其竄三危者後為

氏羌後見其留故國者後為荆蠻今湖南廣西雲貴諸省徭人即

其種類書蔡傳舜竄三苗以其惡之尤甚者遷之而立其次者於舊都今居於舊都者尚桀驚不服蓋三苗舊都山川

險阻氣習使然今湖南無洞時猶竊後漢書南蠻傳以為帝譽發俘而詢之多為猫姓豈其遺種歟

畜狗槃瓠之種傳云昔高辛氏有犬戎之寇募有得犬戎吳將軍頭者妻以少女帝有畜狗名槃瓠銜人頭造

闕下乃吳將軍首也帝以女配槃瓠槃瓠負入南山石室中生六男六女自相夫妻衣服斑駁言語侏離帝賜以名山廣澤其

詩也理攷略

卷之二

七

後滋蔓今長沙武陵蠻是也注云今辰州瀘溪縣西路史辨其
有武山高可萬仞山半有槃狐石室中有槃狐行跡
誤而以蠻爲白犬之後今案山海經黃帝生苗龍苗龍生融吾
融吾生弄一作卞明弄明生白犬白犬有牝牡是爲犬戎此言白
犬爲犬戎祖未嘗言白犬爲南蠻祖也白虎通義東方人好生
萬物無觸地而出夷者
無也君臣同川而浴極爲簡漫蠻者漫也斬伐殺生不得
其中戎者克也父子嫂叔同穴無別狄者僻也其行邪僻

東有甫草

鄭箋甫草甫田之草鄭有甫田案甫圃古通圃田一名原圃在
今開封府中牟縣水經注圃田澤多麻黃草故述征記曰踐縣
境便覩斯卉窮則知踰界詩所謂東有圃草也

搏獸于敖

敖山名在今開封府滎澤縣西北接河陰縣界書序仲丁遷賢
史記作傲晉師救鄭在敖鄙之間士季設七覆於敖前漢高帝
取敖倉之粟卽其地范逸齋云甫田易野也易野以車爲主故
用以選車敖險野也險野以人爲主故用
徒以選

漆沮之從

漆沮二水名朱傳及李迂仲講義呂東萊讀詩記皆指今西安
之漆沮陳氏啓源毛詩稽古編指今鳳翔之漆沮說並通詳後
沔水流水

沔注疏訓水流貌

毛傳水流貌也
疏沔然而清

王雪山以爲水名案沔水一

名沮水漢書地理志武都郡沮縣沮水出東狼谷沮縣今陝西

漢中府略陽縣也東南至沔縣西南入漢水名曰沮口自沮口

以下則沔漢互稱漢地志東漢水一名沔孔安國云漢水東流為沔水水經注於沔水東逕白馬戍以下則

稱沔自左得度口以下則稱漢自逕武昌縣故城東以下仍稱沔

于畝

胡轉于于恤靡所止居毛傳恤憂也宣王之末司馬職廢羌戎

為敗鄭箋謂見使從軍與羌戎戰於于畝而敗之時也案國語

宣王不籍于畝三十九年戰於于畝王師敗績于姜氏之戎孔

晁注宣王不耕籍田神怒民因為戎所伐戰於近郊詩孔疏晁意天子籍

田于畝遠在籍田而戰則于畝在王之近郊非是晉地義或然也又桓二年左傳杜注西河界

休縣有地名于畝今山西平陽府介休縣有于畝原方輿紀要

據括地志謂在今岳陽縣東北九十里恐誤

褒姒成之

褒國名姒姓國語周幽王伐有褒有褒人以褒姒女焉今漢中府褒城縣東三里有褒國古城

作都于向

向邑名孔疏云在東都畿內案隱十一年左傳杜注河內軹縣西有地名向上今河南懷慶府濟源縣西南有向城路史以爲皇甫作都乃沛國之向漢屬龍亢者顧景范又以莒之向邑當之云向城在濟源縣西南此爲蘇忿生封邑關輿以爲周之向國非也向國在山東莒州界案向有五一濟源一隱二年莒人入向杜注譙國龍亢縣東南有向城今安徽鳳陽府懷遠縣也一僖二十六年魯衛盟于向杜注莒地宣四年魯伐莒取向

杜注莒邑寘字記莒州南七十里有向城即今山東沂州府莒州也一襄十一年諸侯伐鄭師于向杜注地在潁川長社縣東北今在河南開封府尉氏縣西南四十里一東海承縣有向城在今兗州府嶧縣西北一里杜氏注宣四年之向實一地者也顧亭林以為隱二年之向與宣四年之向實一地非在承縣亦非在龍亢當在今沂州說詳日知錄

蘇公暴公

詩序何人斯蘇公刺暴公也暴公為卿士而譖蘇公焉故蘇公作是詩以絕之蘇鄭箋云畿內國孔疏云左傳昔周克商使諸

侯撫封蘇忿生以温為司寇成十一年杜注蘇忿生則蘇國在

温僖十一年春秋書狄滅温温子奔衛左傳稱蘇子杜注蘇子

語殷辛伐有蘇有蘇以妲己女焉通志陸終生昆吾封於蘇至

周為忿生邑路史古蘇城在濟源西北二里據左傳杜注是蘇

即温也據路史則蘇與温別蓋古蘇温本別國至案温原紕樊

周忿生封蘇乃兼有温地耳並見後韋顧既伐

十二邑皆蘇故地

隱十一年左傳王與鄭人蘇忿生之田温原
蘇陽邨橫茅向盟州陘懷温杜注温縣

今温縣西南三十里有古温城原杜注在沁水縣西今濟源縣

西北有原鄉綿杜注在野王今河內縣西南三十里有綿城樊

杜注一名陽樊野王縣西南有陽城在今濟源縣東南三十八

里隰邨杜注在懷縣西南今武陟縣西南十五里有隰城橫茅

杜注在修武縣北今修武縣北二十里大陸村即其地向見前

盟杜注盟津在今孟縣南十八里州杜注州縣其故城在今河

內縣東五十里陘杜注關或曰即太行陘在今懷慶府西北三

十里一名丹陘陘杜注在修武縣北懷杜注懷縣今武陟縣西

十一里有懷縣故城 暴鄭箋云畿內國案文八年春秋公子遂會雜戎盟

于暴成十五年左右傳楚子侵鄭及暴隧杜皆注鄭地蓋暴本周

畿內邑是時為鄭所有也路史云暴者辛公采地一曰暴隧

投界有北

有北古國名今未詳其地拾遺記黃帝誅蚩尤遷其民善者於

鄒屠惡者於有北亦見路史國名紀

我征徂西至于芄野

芄野地名今未詳所在毛傳芄野荒遠之地孔疏野是遠稱芄
蓋地名

淮水湯湯

淮水出今河南南陽府桐柏縣桐柏山水經云出胎簪者卽桐
柏之支山也淮舊不通江自春秋哀九年吳伐齊於廣陵城東
南築邗城城下掘深溝謂之邗江東北通射陽湖西北至宋口
入淮此江淮相通之故道也至晉永和中華都水斷乃於歐陽
埭引江至廣陵城而北出白馬湖合中瀆入淮謂之山陽瀆隋

時又開廣之以通戰艦明初循故瀆開新運河以通漕此卽今之運道也淮舊不通河自黃河南徙而河淮始通淮水東逕河南光州東北會汝水又東逕安徽潁州府潁上縣東南淠水入之又東北逕鳳陽府懷遠縣合過水又東逕泗州五河縣合漕水又東逕泗州城南盱眙城北漫衍入洪澤湖東北出江蘇淮安府清河縣之清口與黃河會東則刷黃河以入海南則入運河以濟漕至咸豐五年黃河北流而淮始獨入海

淮有三洲

三洲毛傳云淮上地王雪山云在山陽今淮安府山陽縣也

水經

注淮中有洲俗號關洲蓋津關所在故斯洲納稱焉大清一統志三洲在山陽縣山陽灣對岸有上洲中洲下洲或云詩淮

言地志
有三洲
是也

瞻彼洛矣

洛水有二一在豫一在雍漢志禹貢雒水出宏農郡上雒縣冢嶺山東北至鞏縣入河案冢嶺山在今陝西商州西北接雒南縣界鞏縣卽今河南府鞏縣此洛卽禹貢所云伊洛瀍澗旣入於河是也豫州之洛也漢志洛水出北地郡歸德縣北蠻夷中漢歸德縣今甘肅慶陽府合水縣隋置洛源縣於其地山海經白於之山洛水出其陽寰宇記白於山一名女郎山在合水縣北二十里是皆指洛之源而言漢志又云洛水由馮翊懷德縣東南入渭周禮職方氏雍州其浸汭洛注亦云洛出懷德漢懷

德縣今陝西同州府朝邑縣也是皆指洛之委而言雍錄云洛水入塞後經鄜坊同三州乃入渭又總洛之源委而言此洛與漆沮二水同流故漆沮亦得名洛大清一統志漢時沮水由鄭渠東注於洛故洛水下流亦蒙漆沮之名自鄭渠廢而漆沮與洛不相入矣書孔傳所謂漆沮二水名亦曰洛水是也雍州之洛也詩瞻彼洛矣之洛朱傳從王介甫指東都陳氏啓源指西都並通

如鬢如髦

鬢南蠻見前髦西夷即髦也與庸蜀等國從武王伐紂者釋文音毛尋毛鄭之意當與尚書同音莫侯反書孔疏髦在巴蜀地理今釋云在今四川重慶府巴縣

肅肅謝功

謝國名詳後

澎池北流

鄭箋豐鎬之間水北流魏書地形志長安有澎池水水經注鄠水又北流與澎池合水出鄠池西而北流入於鄠毛詩云澎流貌也而世傳以為水名矣寰宇記澎池水亦謂聖女泉又曰高都水案澎池在今咸陽縣流至西安府城西北合鄠水

摯仲氏任

毛傳摯國名任姓國語摯之國由大任注云二國奚仲也之後六任之家唐書氏系表祖已七世孫曰成徙國於摯詩地理攷仲虺居薛臣虺祖已皆其胄路史蔡之裔傳氏云自彼殷商來嫁於周則摯是商畿內國

平輿有摯亭本後漢郡國志注案平輿故城在今汝寧府治汝陽縣東

南六十里平輿漢縣名屬汝南郡本沈子國文三年左傳杜注云沈國名汝南平輿縣北有沈亭或云今陳州府沈

上縣亦其地也

在洽之陽在渭之浹

洽水名在今陝西同州府郃陽縣漢志馮翊郡郃陽縣應劭注云在郃水之陽水經

注郃陽城南有瀧水東流注于河水南猶有文母廟前有碑去

城十五里水即郃水也縣取名焉朱傳洽水名今流已絕故去水加邑渭水亦逕此入河郃

陽縣志洽河在今縣西北三十里源出梁山山西峪東南流逕縣南注於黃河漢永平間流絕其絕處有乾河村其後復流土人

重之呼渭見前陳氏啓源云周莘皆在渭水之北所謂親迎于為金水

渭者當是循渭而行非度渭也造舟為梁不知過何水傳箋無

明文

纘女維莘

莘妣姓之國

通志夏后啓封支子於莘亦曰有莘氏

文王妃太妣之母家也今同

州府郟陽縣東南有莘國故城

路史今同之夏陽漢郟陽有太妣冢城祠廟郟陽縣志縣東南

有莘里案莘有八在今郟陽

一也桓十六年盜待諸莘杜注

衛地在今山東東昌府莘縣二也

莊十年荆敗蔡師於莘杜注

蔡地在今河南汝寧府汝陽縣三也

莊三十二年神降於莘杜注

注號地在今陝州路史以為散宜

生求有莘氏美女獻紂即此

四也成三年晉師從齊師于莘

杜注齊地五也僖二十八年晉

侯登有莘之墟以觀師杜注故國

名今河南開封府陳留縣東

北有莘城古有莘國路史謂絲納

有莘氏生伯禹即此一作有

或謂地有空桑城即伊尹耕處

六也今山東曹州府曹縣北

有莘仲城古莘仲國元和志以為

伊尹耕處七也寰宇記路史

又載管城縣有莘城為國語號

郟十邑之一在今開封鄭州八

也顧錫山謂從齊師于莘之莘即

盜待

諸莘之莘同為衛地說詳春秋大

事表

矢于牧野

牧野

牧說文作場

在今淇縣

書孔傳紂近郊三十里名牧後漢志朝歌南有牧野劉昭注云去縣十七里水

經注自朝歌以南暨清水土地平行捷舉跨澤悉毋野之地故

詩稱毋野洋洋衆劉昭謂牧野在朝歌南十七里則牧野當在

今淇縣朱傳謂在朝歌或云今汲縣通典衛州汲縣牧野之地

有七千里字有倒誤耳

之地周武王伐紂築也襄宇記牧野汲近郊三十里路史牧野

衛之汲書蔡傳牧野今衛州治之南也地理今釋云孔傳謂紂

近郊三十里名牧紂都沫土在朝歌北隋置衛縣於此即今之

淇縣也牧野當在淇縣南迤邐以至汲縣故九域志謂汲縣亦

牧野之地

自土沮漆

雍州有二漆沮皆入渭襄宇記漆水自耀州同官縣東北界來

經華原縣合沮水沮水自坊州昇平縣北子午嶺出

九域志熙寧元年省

昇平縣為鎮入宜君案宜君即漢殺襍地水經所云沮水山北地郡直路縣東過馮翊殺襍縣北東入於洛者即此沮也或謂此沮一名漆沮一名洛即詩之沮非也至耀州華原縣合漆水至同州朝邑縣東

南入渭宋耀州今西安府耀州宋同官縣今西安府同官縣宋

坊州昇平縣今鄜州宜君縣宋華原縣今省入耀州此漆沮在

涇水之東入渭之下流故禹貢叙渭水東過漆沮列於會涇之

下此一漆沮也書孔疏此云會於涇又東過漆沮是在涇水之東與毛詩古公自土沮漆者別也彼漆即扶風

漆水彼沮則未聞潛詩猗與漆沮毛傳漆沮岐周之二水漢志扶風漆

縣漆水在其西後漢志漆縣有漆水注引郭璞寰宇記鳳翔府

普潤縣漆水源出縣東南漆溪今鳳翔府麟遊縣即宋之普潤

漢之漆縣地寰宇記普潤在府北七十里本漢安定鶉觚二縣之地又為漆縣地明一統志普潤縣元省入麟遊

故城在麟遊縣西北 水經注漆水出杜陽縣之漆溪謂之漆渠
二十里頽基尙存

漆渠水南流大藥水注之即故岐水也二川并逝俱為一水南

與杜水合逕岐山西又屈逕周城南城在岐山之陽而近西所

謂居岐之陽也非直因山致名亦指水取稱矣又歷周原下北

則中水鄉成周聚故曰有周也水北即岐山矣岐水又東逕姜

氏城南為姜水 姜氏城在今岐山縣東明一統志載姜氏城在寶雞縣南七里與水經注不合注於雍

水而注渭據此云漆出杜陽縣亦今麟遊縣地 漢杜陽故城在今麟遊縣西北

與漢志寰宇記合沮水先儒俱未詳康對山疑即浴水 康氏武功縣志

云浴水乾州西夾道水也亦從幽西梁山來意李氏黼平疑即

此或即沮水關西人讀俗若于于沮因易訛耳 韓氏邦奇云沮水出鞏昌府階州角弩谷東南入渭此漆

岐水 秦階州去鳳翔府八百里其地沮水恐非詩之沮水 此漆

沮在涇水之西入渭之上流又一漆沮也絲詩自土沮漆鄭箋

以為公劉居其地朱傳亦云其地在豳準以地望今麟遊縣在

今岐山縣北境漆水出今麟遊縣南流逕岐山之北又逕岐山

之南豳都在今岐山東北二百餘里其國境所至當及今麟遊

縣界距岐山不遠然則豳之漆沮其即岐之漆沮歟孔疏云此漆沮謂在

幽地但二水東流亦過周地師古漢志注自土漆沮此引詩作漆沮與今

故下傳云周原漆沮之間本齊詩作自杜言公劉避狄來居杜與漆沮之地杜即杜水亦

在岐山北武亭水白鳳翔府麟遊縣流逕乾州西界南流至武功縣東合雍水即古大橫水也水經注大橫水即杜

水也東逕杜陽故城此可證公劉豳境及乎杜與漆沮之間也史記周本

紀太王去豳渡漆沮又可證漆沮居豳岐之間去豳居岐必渡

漆沮也許氏名物鈔馮氏名物疏陳氏毛詩稽古編皆以潛詩

漆沮與絲詩漆沮為一李氏毛詩紬義以為岐地幽地各有漆

沮引元和志漆水出新平縣西九里西北流注於涇此漆入涇與麟遊之

漆合岐杜二水入雍者不同故元和志云麟遊縣東南亦有漆

水與此異嶺字記亦云水經注漆水自宜祿界來又東過漆縣

北即今邠州所治也今縣西九里有白土川東北流經白土原

東陳陽原西又東北注涇水恐是漢之漆水但古今異名耳麟

遊之漆水南流與杜陽水合非漢之漆水也沮則未詳案唐新

平縣漢為漆縣今為邠州明省新平縣入州大清即公劉之

都志稱水簾河在州西十里北流入涇即漆水也是幽都別有

一漆沮矣胡氏渭謂邠州麟遊二漆中必有一沮麟遊之漆當

是沮水土俗音訛以沮為漆耳王氏引之謂幽地有漆無沮土

當從齊詩作杜沮當作徂謂自土徂漆也並存之以俟博物君子攷訂

率西水澣至於岐下

澣水屋鄭箋云漆沮水側也

史記周本紀古公去豳度漆沮箋說本此孔疏上言沮漆此言循澣

明是循此朱傳從之又雍錄云邠在岐西北二百五十里自邠沮漆之側

而南三十里為奉天縣有梁山渭水在梁山之南踰梁山循水

可以達岐所謂率西水澣至於岐下也

宋之奉天即今之乾州梁山在州西北漢志言

好時縣有梁山宮即指此一云漆沮水一云渭水未知孰是岐山名在今鳳

翔府岐山縣東北說文云山有兩岐因以名焉

周原膳廡

周原在今岐山縣東北岐山下鄭箋廣平曰原周之漢書地理

志扶風美陽縣岐山在西北中水鄉周太王所邑後漢書郡國

志美陽有周城注引杜預云城在縣西北又引帝王世紀云周

太王所徙南有周原水經注岐山歷周原下北案隱六年杜注

云扶風雍縣東北有周城路史所與劉昭後漢志注所引兩相

岐異攷今岐山縣兼有漢雍縣美陽縣之地雍縣故城在今鳳

翔縣南美陽故城則在今武功縣西南八里扶風縣亦美陽地

雍縣之東北即美陽之西北疑杜注本作雍縣東北劉昭假借

引作美陽縣西北以為郡國志美陽有周城之證也高氏士奇

云岐山在今岐山縣東北十里山之南有周原原又東北則太王之都在焉所謂岐陽也宋為岐陽鎮今在縣東北五十里周原東西橫

巨肥美寬平在縣東北四十里王禕周公廟記曰周城今為岐陽鎮遺址猶存廣袤七八里四圍皆深溝南有周原括地寰宇

二志謂美陽城

即周城誤矣

混夷駝矣

混與昆同

又作纒

昆夷西戎也一曰串夷

鄭

一曰犬戎

孔疏犬戎昆夷是也

亦曰犬夷又作吠夷

史記周本紀言文王伐犬戎何奴傳言文王伐吠夷明犬戎吠夷為一說文引詩作

犬夷啞矣左傳注引詩作犬夷象矣

案犬戎即三苗後氏羌之屬詳前薄伐西戎

及後自彼氏羌史記索隱引山海經以為黃帝後也

索隱吠夷

犬戎小顏云即昆夷也山海經黃帝生苗苗生龍龍生融融生吾吾生弄明弄明生白白生犬犬有牝牡是為犬戎今案山海

經苗龍為一人融吾為一人白犬為一人詩地理攷所引同路史所引亦同惟苗龍作龍苗融吾作吾融為異耳索隱所引不

知何

地

虞芮質厥成

虞國名漢為大陽縣北周為河北縣今解州平陸縣也

括地志

在陝州河北縣東北五十里虞山之上水經注幹橋東北有虞

城堯以女嬪于虞之地也通志平陸縣東北六十里有故虞城

帝舜先世封國

書釐降二女於馮汭嬪於虞王肅云馮汭虞地名羅長源謂帝舜姚姓其先國於虞五帝之中

獨不出於黃帝金仁山據國語史伯之言以虞

或云舜之封國

為舜祖虞幕始封之地詳路史帝紀及發揮

皇甫謐云堯以二

女妻舜封之於虞

亦為舜後封國路史陝之平陸吳山有故虞城本帝舜之後所謂西虞也

今案杜氏鄆氏謂舜後封國在今河南歸德府虞城縣杜注哀

元年左傳云梁國有虞縣鄆注水經云獲水又東逕虞縣故城

北古虞國也昔少康逃奔有虞虞思於是妻之以二姚者也索

隱亦云商均封虞在虞城縣又今浙江紹興府上虞餘姚二縣

亦舜後支庶所封

至周武王封吳周章之弟於此曰虞仲

通志

之地詳史記正義

國於吳其支子別封

當文王時虞芮爭田久而不平相與朝周

於此故亦謂之西吳

當文王時

虞仲

威而相讓以其所爭田為閒田詳毛傳今平陸縣西有閒原元和志開

原在縣西六十五里寰宇記其原東西七里南北十三里平陸

陸縣志原在縣西十五里南侯澗儀家溝之間俗呼讓畔城

姬姓國孔疏引在今陝西同州府朝邑縣縣南有故芮城漢地

國左傳杜注芮國在馮翊臨晉縣括地志芮鄉在朝邑縣南三

十里通志臨晉故城在朝邑西南二里朝邑縣志古芮國在雷

首山正西今洪河西岸是半入於河或云在今山西解州芮城

大清一統志府廳州縣志主之水經注河水自河北城南東逕芮城漢河北縣今芮城縣也

縣元和志芮城縣西二十里古芮國寰宇記同路史亦云芮伯

爵陝之芮城有芮故城芮君祠商代國周為司徒秦滅梁芮唐

為芮州方輿紀要云商時質成之芮在今芮城縣周時之芮為

同姓國在今朝邑縣春秋桓三年芮伯萬出居於魏即在芮城云

瞻彼旱麓

毛傳旱山名案旱山在今陝西漢中府治南鄭縣西南漢志云

池同水所出東北入漢鄜注水經沔水條云南鄭縣漢水寢字

記引周地圖記云旱山上有雲卽雨

維此二國其政不獲維彼四國爰究爰度

二國毛傳訓夏殷四國毛傳訓四方鄭箋二國訓殷紂與崇四國訓密阮徂共路史訓二國爲密崇訓四國從毛義案徂從毛訓往爲是密阮共崇詳後

密人不恭

密密須也姑姓之國路史子爵周滅之呂氏春秋密須之民以封同

姓漢晉爲陰密縣漢地志安定郡陰密縣詩密人國國語共王

涇康公密國今甘肅涇州靈臺縣也陰密故城在今縣西五十

寺也里文各 卷之二 九

公墓朱傳謂在宜州今慶陽府宜州也不知何據密有四一密須

詩密人是也一鄭地在今開封密縣東南漢志河南郡密縣師古注云即春秋僖六年

年國新密者也索隱以此為密須文王所伐者誤河南密縣東四十里故密城與須城比亦

號密須故因此致一莒邑春秋魯隱二年盟地今萊州昌邑縣

也詳後以或以為萊夷邑路史密男爵今高密有密鄉漢高密國隋高密郡唐為密州春秋之萊夷

維一魯地閔二年左傳杜注琅邪費縣北有密如亭在今費縣

北王雪山云經世甲子伐崇乙丑伐密此詩乃密為先崇居次

恐經世誤據司馬氏虞芮質成之明年伐犬戎又明年伐密須

又明年敗耆國者即黎也徐氏耆一作阮又明年伐邶又明年

伐崇伐崇未幾而西伯即歿其先後與詩頗相符不知邵氏何

所據而先崇後密也

侵阮徂共

阮共疑皆國名或皆周地名

孔疏密人侵我周之阮地遂復往侵共邑

朱傳阮國名

在涇州共阮國之地名涇州之共池

案此本張子說

今甘肅平涼府涇

州北有共池又有共邑

梁氏益以此為虞公出奔之共池恐誤虞在今山西平陸縣出奔之地不應若

是之遠今平陸有共池志云虞公出奔地

路史以阮為卽文四年晉圍邲新城之邲

邲新城杜氏皆注秦地今西安府澄城縣東北二十里有共為

古新城地名及謂卽梁國之新里邲邑亦當在澄城縣境

共伯國卽漢之共縣恐非

漢共縣在今衛輝府輝縣與密絕建澄城之邲邑亦遠密

共有四

涇州共池一也詩阮共地平陸共池二也虞公出奔地輝縣共

城三也鄭叔段出奔地順天密雲縣共城四也舜流共公地

毛傳

密須氏侵阮遂往侵共鄭箋阮也徂也共也三國犯周而文王伐之密須之人乃敢拒其義兵孔疏張融謂魯詩以阮徂共皆為國名孫毓謂文王七年五伐未聞有阮徂共三國助紂侵周文王伐之事今案路史於少昊後紀姓國則云密須之人侵逼阮共之二小國是從毛義也而於少昊後偃姓國則云文王侵阮於商後國則云文王侵阮徂共又從鄭義不免自相抵牾

以按徂旅

毛傳按止也旅地名也

孔疏於是整齊其師旅以止此密人往旅地之寇密人侵共復往侵旅故與兵

以止其王雪山云旅在渭城縣詩有兩旅毛氏前旅師也後旅寇也

地名也鄭氏不以旅為國而乃以徂為國恐毛氏為是

案鄭箋云整其

軍旅而出以却止徂國之兵眾蓋以徂為國名又於兩旅字並訓師眾與毛異義朱傳云徂往也其旅周師也徂旅密師之往共者也訓徂字從毛義訓徂旅字則從鄭義路史云馬遷案言文王征伐之數甚備孰有所謂徂者顧亦何嘗伐阮共哉

渭城縣今西安府咸陽縣也其說不知何據又孟子引詩徂旅

作祖鄭疏引春秋隱二年莒子盟于密為證云莒者密之近地

路史說同路史於少昊後紀姓國云莒與期二世茲丕始封隋為莒州今密之莒縣理又引孟子為證云春秋紀子

莒子盟于密莒紀密之近地王之伐密於此過其往莒之師故亂之禍理必從其亟宜莒之為正案此謂文王所伐之密近莒

州也然於黃帝之宗乃云密須在涇之靈杜氏春秋注云莒城密引世本文王伐密須為證亦自相抵牾

陽莒縣密莒邑城陽濱于縣有密鄉莒縣今山東沂州府莒州

也密鄉故城在今萊州府昌邑縣東南十五里莒東方國漢地志云

莒子盈姓世本云莒已姓國語乃云曹姓案盈已二姓少昊後曹姓顛頊後路史則云莒本曹姓國周滅之以封少昊後也

距岐豐甚遠恐不足援據惟韓非子二難篇云文王侵孟克莒

舉鄆困學紀聞引以證孟子徂莒之文說近是未知即陰忌奔

莒之莒否昭二十六年左傳陰忌奔莒杜注莒周地案孟與盟通隱十一年左傳王賜鄭十二邑盟居其一杜注盟

即河陽縣南盟津孟與莒同為東周畿
內邑韓非子所謂侵孟克莒或指此也
莒有四一為莒國今沂

州府莒州是也史記楚世家簡王北伐城莒後地屬齊
一為東周境內邑陰息奔

莒是也一為齊東境昭三年齊侯田于莒十年陳桓子請老于

莒是也一為魯邑定十四年城莒父論語子夏為莒父宰是也

度其鮮原

鮮原毛訓小山別大山曰鮮此於鮮原二字分釋鄭訓善原野孔疏云據

皇甫謐之言文王徙宅於程蓋指此地逸周書言王季宅程又言文王在程作程審程

典竹書紀年載文丁五年王季作程邑帝辛三十三年文王遷于程案詩云度其鮮原居岐之陽

則鮮原乃在岐山南程邑在今西安府咸陽縣詩卷去岐山約

三百里在岐山之東疏以程邑釋鮮原誤矣又周書和寤饒王

乃出圖商至於鮮原此鮮原非詩之鮮原孔晁注云近岐周之地亦非蓋武王都鎬在今長安縣稱圖商至鮮原必在鎬京東與詩居岐之陽不合大抵廣平曰原雍州廣平之地甚多詩遇地之廣平者卽稱原度其鮮原居岐之陽蓋謂其地廣平在岐山南今以意度之當與周原不甚遠矣通鑑外紀云西伯自岐徙鮮原在岐山之南不出百里其說是也

以伐崇埔

史記文王伐崇侯虎而作豐邑案崇在今西安府鄠縣通志在夏爲邑在南爲崇秦改邑爲鄠今鄠縣北二十里有故邑城城周四里亦有甘亭卽啓與有邑或處又方輿紀要或曰崇在同州境路史乃以此爲崇伯鯀國非崇侯虎國也路史崇國有二一見國名紀卷四云崇餘

國伯晉文王伐崇命無殺人民壞宮室崇人歸之如父母而
趙穿且侵崇今承與鄆東故鄆宮是一見國名紀卷六云崇侯
虎紂侯臣文王虜之今崇有崇城崇侯墟九域志云虎也寰宇
記彭城北三十里坰城臨泗水秦地志坰城古崇國城西南有
崇侯廟與秦崇異案坰 陳氏啓源云是致是附毛傳謂致其社
城在今徐州府城北
 稷附其先祖為之立後致附與類禍連文亦當言祭傳義允矣
 且古人繼絕存亡之道即行於弔伐時賴傳語見之春秋宣元
 年晉趙穿侵崇曰崇急秦必救之是崇乃秦之與國當在雍地
 與故崇相去不遠豈非文王伐崇復徙於此故東周之世其國
 尚存乎

經始靈臺 靈河

靈臺在今長安縣西接鄂縣界左傳秦獲晉侯以歸舍諸靈臺

杜注靈臺在京兆鄠縣周之故臺也

京兆當作始平杜預春秋釋例靈臺在始平鄠縣攷

兩漢書及晉書鄠縣兩漢並屬右扶風晉泰始三年置始平郡鄠縣屬焉集解有誤當以釋例為正三輔黃圖周

靈臺在長安西北四十里

顏師古漢書注長安西北界有靈臺鄉在豐水上即古靈臺處水經注靈

水出豐溪西北流又北昆明池水注之又北逕靈臺西又北至石墩注於渭

周靈囿在長安西四十

二里周靈沼在長安西三十里

方輿紀要鄠宮又二十五里即靈囿之地中有靈臺崗百詩云

於豐作靈臺臺之少右作靈囿囿之中作沼

括地志辟雍靈沼今悉無復處惟靈臺

孤立高二丈周迴一百二十步

此言高廣之數與黃圖說合

是周靈臺至唐

太宗時猶存

毛大可云左傳哀二十五年衛侯為靈臺藉園漢地理志濟陰成陽有堯靈臺後漢章帝紀祠堯于

成陽靈臺則靈臺舊名也文特踵之爾

應侯順德

毛傳應當侯維也鄠氏以為應國之侯注水經云漁水東逕應

城南故應鄉也應侯之國詩所謂應侯順德者地理志周武王

封其弟為侯國案師古注云據左傳則應汲郡古文殷時已有

應國家應鄉今南陽葉縣地漢書地理志潁川郡父城縣班固

注引杜預云應國在西南案父城故城在今葉縣東北四

既伐于崇作邑于豐

崇見前豐文王都一作鄠康王朝諸侯於鄠宮見左傳昭四年

周鄠宮周文王宮也在鄠縣東三十朱傳豐即崇國之地在鄠

縣杜陵西南今西安府鄠縣東有古鄠邑

豐水東注

豐禹貢作澧漢志作鄠水出今西安府鄠縣東南終南山北流

逕縣東又北逕長安縣西又北至咸陽縣東南入渭孔疏澧水入渭東注

於河嚴華谷云澧水自南而北流入渭經言東注者是會渭之後東注入河也禹貢維指渭南諸川惟澧為大自漢鴻嘉中王

商穿長安城引澧水注第中而其流漸微唐貞觀中堰澧鎬入昆明也二水於是斷流又於京城西北引澧水為漕渠合鎬水

北流由禁苑入渭而澧水之流愈微又鄭當時所開漕渠及靈軹富民昆明諸渠皆橫絕澧鎬等水水脈益亂不可尋究竊疑

澧西之澧澧東之鎬澆霸陸禹時悉合澧以入渭故澧水得成其大且詩言東注而漢志云北過上林苑入渭則是北流而非

東注矣禹導渭東會於澧當在漢霸陵縣北霸豐邑在鎬水西澆入渭處也宋漢霸陵縣故城在今咸寧縣東

鎬邑在豐水東相去二十五里後漢志引三輔決錄往路史引盟會圖說同通志豐鎬皆水名

豐在鄠縣東南故詩詠武王亦以豐水為言朱傳所載或說陳鎬去豐二十里

氏啓源已駁之

鎬京辟廱

鎬京武王都在今西安府長安縣西南

長安縣為西安府治鄠縣在府治西南七十里

鎬在長安西南豐在鄠縣東故豐鎬二地雖分隸二縣而相距甚近

後漢書郡國志鎬在上林苑

中帝王世紀今鎬池即其故址

水經注渭水又東北與鄠水合水上承鄠池於昆明池北周武

王之所都也自漢武帝穿昆明池於是地基構論說今無可究

路史鎬在長安靈臺鄉地理攷

異昆明池側有鎬陂

師古云豐今長安西北界靈臺鄉豐水上是鎬今昆明池北鎬陂是通志鎬水出鄠

縣界至長安入清渠府廳州縣志鎬水在長安縣西北北流逕故長安城西南注昆明池又北為鎬池又北入于灃水自唐堰

入昆明池而灃鎬之流絕今則昆明池亦涸為開山

愚案辟廱當即鎬池別詳詩管見

時維姜嫄

姜炎帝之後以姜水得姓

路史扶風美陽有姜氏城南有姜水詳前自土沮漆嫄其名也

鄭箋有女名嫫孔疏婦人不以名行此嫫或當是
字但五帝時質未必有名字之列故以名言之
氏曰有郃其

地在今陝西乾州武功縣毛傳孔疏或云在今山東沂州府費

縣路史有郃魯東鄙地今沂之費縣南故駘亭是也地接齊

二年莒人伐我圍台至哀公時齊亂景公子荼遷于駘則入齊

矣並詳後案杜氏釋例於魯地標襄十二年之台注云琅邪費

縣有台亭於邾地標襄四年之狐駘襄二十七年之駘上注云

二名魯國番縣東南有日駘亭是台與駘上為二地路史以為

一地不姜嫫為高辛氏之妃毛傳后稷之母配高辛氏帝馮引

知何據疏大戴禮帝系篇帝嚳卜其四妃

之子皆有天下上妃有郃氏之女曰姜嫫而生后稷家語世本

其文亦然故毛為傳司馬遷為五帝本紀皆遵用焉後劉歆班

固賈逵馬融服虔王肅鄭箋以為高辛氏之世妃也孔疏鄭信

皇甫謐等皆以為然鄭箋以為高辛氏之世妃也

歷序云少昊傳八世顓頊傳九世帝嚳傳十世則堯非嚳子稷

年又少於堯則姜嫫不得為帝嚳之妃故云當堯之時為高辛

氏之世妃謂為其後

會伐平林

平林或訓平地林木

孔疏

或訓國名路史平林挾德青數賢能日

疏位均而爭遂亡詩會伐平林漢平林盜起者平林在隨縣東

北史記有平林老案隨縣今湖北德安府隨州也州東北有平

林故城帝嘗都亳在今河南府偃師縣

後漢志偃師縣注引帝

元和志寰宇記載帝嘗為諸侯時都穀熟今商丘縣也

隨州距亳甚遠恐不應實后稷於

此

卽有郃家室

郃左傳作駘漢志作釐在今乾州武功縣

杜預云駘在始平武功縣所治釐城今武

公縣南八里有古釐城明置郃城

毛傳郃姜嫄之國也堯見天

此縣西南有姜嫄祠后稷祠

因郃而生稷故國后稷於郃孔疏此郃為后稷之母家其國當絕滅或遷之他所也稷之功成實在堯世封郃必是堯矣周本紀云禹封棄於郃不可信朱傳說同案路史國名紀云昔帝嚳取於有郃氏女曰姜嫄生后稷而后稷之封亦曰郃說者咸謂帝堯以其母家封之然及太王復取有郃氏曰太姜是姜氏之駘至周猶在豈得云以是而封稷哉不知稷封之駘在武功而姜氏之駘在琅邪固不同也案費縣漢屬泰山郡晉屬琅邪

國並詳前

逝彼百泉

百泉在今甘肅平涼府涇州西三十五里泉源溢竇而出者數十四時不涸行資灌溉亦名百泉溝下流入涇詩地理攷曹氏云漢朝那縣屬

安定郡隋改爲百泉縣屬平涼郡魏於其地置原州唐因之百泉溥原卽其處府屬州縣志隋百泉廢縣在平涼縣北漢朝那故城在何元子云不窋窠于西戎其地卽今慶陽府是也廣輿記載府境古蹟有不窋城又有不窋冢在府城東碑久剝落上有片石大書周祖不窋氏陵再傳至公劉則居宜州亦今慶陽府所轄古蹟所謂公劉邑也春秋時爲義渠戎國厥後公劉往遷于幽蓋道由慶陽經平涼而後達于今西安府之邠州邠州乃涇流所經而百泉則入于涇水自平涼而來者也故詩人詠及之舊說但謂公劉自邠遷幽而百泉遂茫然不知其處矣

度其隰原

隰原卽禹貢原隰鄭譜云幽在雍州原隰之野是也

孔疏公劉居幽度其

臨原以 元和志邠州新平縣有五龍原永壽縣有永壽原宜祿

縣有淺水原案新平縣今邠州永壽縣今乾州永壽縣宜祿縣

今邠州長武縣毛大可云逝彼百泉瞻彼溥原百泉即朝那以

兩邠地多原如五龍原永壽原等故詩中于胥斯原度其隰原

度其夕陽

毛傳山西曰夕陽孔疏夕陽者總言幽人一國之所處其界在

山之西不知是何山也譜云幽在岐山之北書傳說太王去幽

踰梁山注云梁山在岐山東北然則幽國之東有大山者其唯

梁山乎案梁山在今乾州西北

夾其皇澗遡其過澗

皇澗過澗毛傳云二澗名孔疏夾者在其兩旁過者嚮也謂開門嚮之大率民以南門為正此蓋皇

澗縱在兩旁而夾之過案皇澗過澗或云在今邠州省志南河

澗橫故在北而嚮之洪龍河在州或云在邠之三水縣唐川在

或以為即詩之皇澗或云在邠之三水縣唐川在

城西或以為即詩之過澗皆入涇或云在邠之三水縣唐川在

縣北三十里即詩之皇澗梁渠川在縣西

北十八里即詩之過澗皆西南入于涇

之一統志又云皇澗水在三水縣北自慶陽府徵宜縣流入襄

寧記真宜縣有大陵水注水經云大陵水出巡和南殊

川西南逕宜陽城幽詩云王雪山云皇澗過澗皆是澗多成密

夾其皇澗陵水即皇澗也

芮鞠皆是地名在陰密芮城之間至今鐵器皆精唐邠州貢剪

刀火筋之屬厲鍛之餘俗也

芮鞠之即

芮毛傳訓水厓鄭箋芮之言內也水之內曰隩水之外曰鞠朱傳訓水名案芮水出

今平涼府華亭縣至涇州入涇水一作汭禹貢涇屬湯汭周禮
職方其浸汭洛是也鄭氏周禮注汭在幽地詩大雅芮鞠之卽
何大復以芮與汭異云芮水出邠州西北東入涇汭水出隴西
城西北源出苾蒲蘇人渭不入涇公劉芮鞠之卽言邠也非隴
也何元子云地理志明載芮水出右扶風涇縣吳山西北東入
涇注引此詩為證郡縣志亦云涇州良原縣有汭水一名宜祿
川西自隴州華亭縣流入與何言汭水入渭不入涇殊異以何
固秦人所記或無爽故存之今案漢書地理志扶風郡涇縣班
固自注云吳山在西古文以為涇山雍州山又云北有蒲谷鄉
弦中谷雍州弦蒲穀又云涇水出西北入渭芮水出西北東入
涇此言芮水出涇縣西北非言
出大山西北也何氏引語有誤

凡伯芮伯

詩序板凡伯刺厲王桑柔芮伯刺厲王隱七年春秋天王使凡
伯來聘杜注凡國伯爵汲郡共縣東南有凡城案凡城在今衛

輝府輝縣西南二十里內見前鄭箋芮伯畿內諸侯字良夫

覃及鬼方

鬼方西戎也卽氏羌詳後諸書釋鬼方凡三說朱傳於商頌奮伐

荆楚以爲卽易高宗伐鬼方事主其說者謂荆楚之俗好鬼自

古爲然驗諸屈原九歌可見此一說也于寶易注鬼方北方國

晉書四夷傳夏曰獯鬻商曰鬼方周曰玁狁漢曰匈奴文選關中詩注

云黃帝曰薰粥夏殷曰鬼方周曰匈奴秦曰胡說與晉書小異並詳前唐書又謂突厥北部有流

鬼國去京師萬五千里濱於北海此一說也王伯厚周書王會補注云鬼親鬼方

也通典流鬼在北海之地鬼國在駝馬國西後漢書西羌傳武丁征西戎鬼方三年

乃克故其詩曰自彼氏羌莫敢不來王文選注引世本注鬼方

於漢為先零戎此又一說也愚案竹書紀年云武丁三十二年伐鬼方次於荆三十四年克鬼方氏羌來賓又云周公季歷伐西落鬼戎評前三說謂為西戎者是矣楊升菴以鬼方為即今貴州地云貴州有羅鬼夷俗呼貴州為鬼州

崧高維嶽

毛傳崧高貌山大而高曰崧郭璞爾雅注今中嶽嵩高山蓋依此名詩地理攷李氏云申甫四嶽之後安得專指為中嶽凡大而高者皆可名之曰崧嶽四嶽也東嶽岱南嶽衡西嶽華北嶽恒孔疏羣書多言五嶽傳以堯建官立四伯主四方之嶽不

主中嶽故不言五嶽岱山一名泰山在今山東泰安府治泰安

縣衡山一名霍山在今湖南衡州府衡山縣孔疏衡山本名霍山漢武帝移嶽神

於天柱又名天柱亦為霍故漢魏以來衡霍別耳郭璞云霍山在廬江潛縣西南別名天柱山漢武帝以衡山遼曠移其神於此今其土俗人皆呼之為南嶽案廬江之霍山在今安徽廬州府霍山縣

州恒山一名常山在今山西大同府渾源州嵩山一名外方山

一名太室山西征記其山東謂之太室西謂之少室相去十七里嵩其總名也在今河南河南

府登封縣此為五嶽爾雅釋山既載河東岱河北恒江南衡河南嶽華山為西嶽河南華矣又載泰山為東嶽霍山為

南嶽華山為西嶽恒山為北嶽嵩高為中嶽鄭康成以後說釋大宗伯之五嶽以前說釋大司樂之五嶽蓋二說並存虞書第言四嶽而何休注公羊引書於如西禮下有還至嵩如初禮六字太史公封禪書記舜四巡後亦有中嶽者嵩高也之文似所見尚書同於何氏詩義折中云崧

生甫及申

甫申二國名詳前毛傳堯時姜氏為四伯主四嶽之祀述諸侯

乏職於周則有甫有申有齊有許也

孔疏孔安國云呂侯後為甫侯詩及禮記作甫尚書

與外傳

呂東萊云甫申意者皆宣王時賢臣同有功於王室者

甫雖不見於經以文意考之蓋當如此

禮記鄭注周道將興五嶽為之生賢佐仲山甫

及申伯孔疏案鄭志注禮在先未得毛詩傳

于邑于謝

謝申伯改封之地

孔疏申伯本國近謝今命為州牧故改邑於謝下言我國爾居莫如南土者言餘處不如

汝舊居之南方故還封之於南方

申詳前謝在今南陽府唐縣後漢志注棘陽

縣東北百里有謝城水經注泚水又西南流謝水注之水出謝

城北建武十三年封樊重少子丹為謝陽侯即其國也棘陽城

在今新野縣東北謝城在今唐縣南唐縣亦漢棘陽地

鄭語桓公曰謝

西之九州何如史伯曰惟謝邦之間是易取也洋云謝申伯之國在今南陽謝西有九州一千五百家日州邦南謝北號鄆在焉

朱傳於小雅肅肅謝功云謝在鄧州信陽軍於大雅于邑于

謝云謝在鄧州南陽縣案宋鄧州治穰縣即今鄧州治南陽縣

屬焉在州東北一百二十里為申國都宋信陽軍治信陽縣即

今汝寧府信陽州治為申國地其說誤矣大清一統志云今羅山縣亦有謝城蓋

因詩集傳而附會當以唐縣謝城為正王符潛夫論引詩于謝作于序云申城在

南陽宛北序山之下故詩云于邑于序謝有二此謝本黃帝後任姓國周滅之以封申

伯又宣王支子封於謝是為謝上盟會圖云謝城充之龔上並詳路史龔上今交州府宜陽縣也鄭氏通志誤以為申伯封國

王餞于鄆

鄆即今鳳翔府郿縣漢郿縣故城在今縣治東北在鎬京西岐周東鄭箋以

其非適謝之路故云北就王命于岐周箋云時王蓋省岐周故于鄆云

生仲山甫

毛傳仲山甫樊侯也困學紀聞引權德輿集云魯獻公仲子曰

樊國凡兩見一以為泰伯仲雍後一據潛夫論以為慶姓未詳孰是據續戎祖考之語疑德輿說為近之所云祖考指周公耳

若其他固未有顯者案樊或云今襄陽縣樊城鎮水經注樊城樊仲山甫所封也城居四里南半

為水建安中關羽圍于禁於此城又南雍州記荆州國副摯虞等說同見路史或云即陽樊在今懷慶

府濟源縣孔疏國語樊仲山甫諫宣王韋昭注食采於樊信二

畿內通志虞仲支孫仲山甫食采於樊濟源皮城是也以樊皮居之故名皮城府志陽樊城在濟孟之交漢水南岸今呼皮城

或云在杜陵今西安府咸寧縣也路史樊一作樊亦作鄉仲山甫采邑京兆杜陵有善鄉樊

川昔惠王使號公伐樊執仲皮者顧景范云樊川本杜縣之樊一云仲山甫所封或曰非也漢初樊增賜食於此因以名

又或云在瑕丘今兗州府治滋陽縣也

括地志漢樊縣城在兗州瑕丘縣西南三十五

里古樊國仲山甫所封案漢書杜欽傳仲山甫封於齊注云本

韓詩括地志之說豈據此歟又袁宇記於瑕丘縣載樊縣故城

引郡國志云鄉士樊仲皮國未知孰是宜王卿士食采於今西

案郡國國字當是樊字之訛

安咸宜縣之樊鄉東遷後子孫再封于河北莊二十九年樊皮

叛王三十年號公入樊執樊仲皮其後遷無終為陽氏案高氏

說固近地理所謂河北指濟源也但濟源之樊墟隱十一年左

傳乃蘇國地桓王取以與鄭不應又為仲皮采邑此可疑也

王命仲山甫城彼東方

毛傳東方齊也古者諸侯之居逼隘則王者遷其邑而定其居

蓋去薄姑而遷於臨淄也案史記齊世家載胡公徙都薄姑其

弟獻公殺胡公而自立其元年即由薄姑遷臨淄蓋當夷王之

時此云宣王時去薄姑而遷臨淄二說互異未知孰是孔疏云史記與

此傳不合遷之言未必實也朱傳云豈復案夷王崩子厲王立
徒於夷王之時至是始備城郭之守歟
厲王在位三十七年流於彘共和十四年厲王崩子宣王立在
位凡四十六年齊獻公子武公卒於宣王初年厲公無忌文公
赤成公脫莊公購一作贖皆當宣王時莊公十四年始當幽王元
年如毛傳說又未知遷臨淄屬齊誰公也

奕奕梁山

水經注云灤一作濕水南出山又東南逕良鄉縣之北界今房山縣即漢

晉良鄉縣其故城在縣東今良鄉縣自漢至後魏為廣陽縣北齊省入薊縣唐為良鄉縣地五代唐長興三年始移良鄉縣來

治歷梁山南高粱水出焉又東逕廣陽縣故城北故城在今良鄉縣東又

東北逕薊縣故城故城在今薊城西又東與沈馬溝水合又東南高粱

之水注焉水出薊城西北平地泉流東注逕燕王陵北又東逕

薊城北又東南流魏土地記曰薊東十里有高粱之水者也其

水又東南入灤水灤水一名桑乾河一名永定河俗名渾河又云鮑丘水入潞通得

潞河之稱寰宇記潞河一名沽河一名鮑丘水高粱水注之水首受灤水於戾陵

堰水北有梁山山有燕刺王且之陵故以戾陵名堰水自堰枝

分東逕梁山南又東北逕劉靖碑北今案元和志闕燕州無可

考考寰宇記遺史 大清一統志 畿輔通志水利諸書皆不

載燕之梁山顧亭林說詩徵摭水經注而於梁山亦未詳所在

說見日知錄朱竹垞日下舊聞引李氏詩譜云水經注聖水逕方城縣故城北又東南逕韓城東引韓奕

之言為蓋梁山恐是方城縣相近梁山界上之山案方城江慎

縣今固安縣也梁山陔名水經注云易水東分為梁山陔

修琴經補義云水經注鮑丘水過潞縣西南高粱水注之東

疑在今固安通州界而固安通州界實無山竊謂欲求梁

山之所在當求高粱水之所出寓京師嘗策驢訪求高粱水

源委其水本為灤水所分今則上承玉泉山水下流入都城

而灤水枝分故道無迹可尋矣案古高粱水其源由灤水枝分

少和曰今玉河匯高粱之水入德勝門實流自阜成門經高粱

橋下而北玉河入通惠河通惠河人北運河故縱軸水利書載

入北運河卷而不入永定河卷也通惠未開此水宜入桑乾故

水經注載灤水條下水利書所謂高粱河乃永定河故道支流

泉今為玉河之上流即距今都城西北四十里有山曰石景

玉泉山水所經是也一作景距房山縣東北亦數十里正灤水所經所謂梁山其即此

山歟王霞舉曰高粱為灤水枝流以地望準之今桑乾河出山

處有山曰十景蓋西山南支盡處實在水北當河折而東

之會高粱之分水當在此山之南此山為梁山無疑獨其下經流水經注一曰注灤一曰注鮑正不同者疑未復分派也

稱梁山有三一見此詩在今 都城西北一孟子稱太王去邠

踰梁山在今陝西乾州西北一春秋成五年書梁山崩爾雅所

謂梁山晉望是也禹貢治梁之梁即此蔡傳以為呂梁與先儒異義其地為古梁國有

少梁故城僖十九年秦取梁文十年晉伐秦取少梁即此在今

陝西同州府韓城縣西北鄭箋朱傳王氏詩地理考誤以此為韓變之梁山後漢志注寰宇記方輿

紀要禹貢錯指同誤

韓侯受命

水經注引王肅云涿郡方城縣有韓侯城後魏志亦云范陽郡方城縣有韓侯城括地志方城故城在固安縣南十里今順天

府固安縣有方城村即漢方城縣也縣東南有韓城焉固安縣志韓城

今名韓寨營在縣東南十八里韓有二一見此詩未詳所出潛夫論氏姓篇桓

氏公族氏張氏皆韓後姬姓昔周宣王亦有韓侯其國近燕故詩曰普彼韓城燕師所完其後韓西亦姓韓為衛滿所伐遷居

海中案此於周宣之韓不言其所自出路史謂武穆之韓在同州韓城詩韓侯之韓在涿郡方城一名韓西為武穆分封之國

不知何據又國語武王之子應韓不在韋昭注云宣王時命韓侯為侯伯其後為晉所滅以為邑以賜桓叔之子萬此以詩韓

國為韓萬一姬姓出自武王傳二十四年左傳邾晉應韓武之

封邑恐誤不云出自武王異於左氏為晉所滅真號焦滑霍揚韓魏八國皆姬

韓萬事晉封於韓曰韓武子史記韓世家稱韓武子為韓之苗

為曲沃桓叔之子是晉之支庶也與史記異漢書地理志韓自武子後七世稱侯六世稱王五世而為秦所滅杜氏左

傳注韓國在河東郡界春秋釋例韓韓原宗丘三名故韓國括

地志韓原在同州韓城縣西南八里韓城在縣南十八里古韓

國今陝西同州府韓城縣也

鄭箋朱傳誤以此為詩之韓城寰宇記同誤

汾王之甥

鄭箋汾王厲王也厲王流於彘彘在汾水之上故詩人因以號

之案前後漢二志前漢河東郡彘縣後漢改曰永安今山西平

陽府霍州也

元和志霍邑縣汾水經縣西二里彘水出霍山經縣南一里周厲王濩在縣東北二十五里

出宿于屠

屠同杜

左傳屠蒯禮記作杜賈路史杜一日屠

案杜陵故城在今西安府咸寧縣

東南古杜伯國

襄二十四年左傳杜注周成王滅唐遷之於杜為杜伯在京兆杜縣史記秦本紀武公十一年

初縣杜漢書宣帝紀元康元年以杜東原上為初陵下杜故城更名杜縣為杜陵地理志京兆尹杜陵縣故杜伯國

在今西安府長安縣南或亦云杜伯國

漢書宣帝紀曾孫尤樂杜鄠之間率常在下杜

孟康云在長安南師古云即今之杜城水經注沈水又西北逕

下杜城即杜伯國也通志杜在永興軍長安縣南十五里曰下

杜城猶有杜伯冢在焉長安志秦武公初縣杜即此地漢宣帝

時修杜之東原為陵曰杜陵縣更名此為下杜城廟記曰下杜

城即杜伯所築城東有杜原城在原又困學紀聞潘水李氏以

下故曰下杜大清一統志主前說

屠為同州屠谷說文有左馮翊屠陽亭案路史云屠郃陽屠城

是許白雲名物鈔說同近世戴東原毛鄭詩攷正亦云今同州

有屠谷

溥彼韓城燕師所完

韓城見前燕召公奭封國

史記召公周同姓索隱云始食采於召故曰召公亦以元子就封而次子

留周室代為召公宣正一

名北燕史記封召公於北燕宋忠云

時召康公虎是其後也

召公封國稱燕而北燕乃燕之分古為幽州漢為燕國後改廣

陽郡唐武德為燕州召公初都在今薊州秦漢為無終以燕山

為名後徙都於薊薊故城在今京城西史記載武王封堯後

義云薊燕二國因燕山薊丘為名其地是自六國時燕地寢大

置漁陽上谷右北平遼東西郡今順天保定宣化永平四府及

易州皆其地爽至燕王喜凡四十三世為秦所滅又媾姓之國

曰南燕左傳衛人以燕師伐鄭是也在今河南衛輝府延津縣

界內之胙城廢縣通志東郡舊有燕縣隋改曰胙城本胙國也

城東北案胙城縣一名東燕元初志漢為南燕縣其後慕容

廢縣有東燕故城

其追其貊奄受北國

追貊北狄也

貊一作貉職方氏九貉注云北方說文云貉北方多種

鄭箋賜之蠻服追貊

令撫柔其所受王畿北面之國其後追也貊也為獫狁所逼稍

稍東遷

職方氏正北曰并州受王畿北面之國當是并州牧也言為獫狁所逼稍稍東遷者此時貊居北為韓侯所統

魯頌云淮夷蠻貊莫不率從是魯僖之時貊近魯至漢初其種皆在東北并州之北無復貊種故辨之說詳孔疏今案漢之貊

種有貊耳貊貊小水貊之屬貊耳即高句驪也在遼東之東小水貊者句驪之別種依小水為居因名曰小水貊也漢貊者其

地北與句驪接自謂與句驪同種詳後漢書東夷傳孔疏上言百蠻下言追貊則知追貊

即百蠻南蠻北狄散則可以相通故北狄亦稱蠻范逸齋云北

可稱蠻猶西可稱夷也

淮夷來求

淮夷淮水南北夷也

路史屬禹貢徐州之域後漢徐州所屬有琅邪東海彭城廣

陵下邳等郡國今山東沂州青州江蘇徐州揚州淮安諸府及

安徽泗州也地理今釋淮夷淮南近海之夷民今淮安揚州

二府近海之地皆是大事春秋時淮夷病杞則會於鹹病鄆則

表淮夷在邳州屬徐州府

會於淮及楚子會諸侯於申而淮夷為國號矣

如纂有孔疏云淮夷氏

召公伐淮夷常在淮水之南魯僖所伐淮夷應在淮水之北陳

少南云淮夷之地不一徐州在淮北揚州在淮南江漢常武同

言淮夷以地理考之曰江漢之許至命召虎者是淮南之夷也

若在淮北則江漢非所由入之路矣曰率彼淮浦省此徐土者

是淮北之夷也若在淮南則徐土非聯接之地矣

後漢書東夷傳殷武乙衰

殷東夷浸盛遂分遷淮岱漸居中土周公征之遂定東夷厲王無道淮夷入寇王命虢仲征之不克宣王復命召公伐而平之

至于南海

南海謂淮夷爾雅九夷八狄七戎六蠻謂之四海

李巡所注爾雅本四海下

更有三句云八蠻在南方六戎在四方五狄在北方業明堂位稱九夷八蠻六戎五狄周禮職方氏稱四夷八蠻五戎六狄說

如此故左傳載齊侯伐楚楚子使與師言曰寡人處南海或以

為極言之辭

詩地理攷呂氏云淮夷在南故極其遠而言之曰至于南海王雪山詩總聞云至七閩八粵則自淮

以南之夷

命程伯休父

程國名後漢郡國志河南雒陽縣有上程聚注云古程國關中

更有程地故此加為上程案上程聚在今河南府洛陽縣東國

語重黎氏世叙天地其在周程伯休父其後也當宣王時失其

官守而為司馬氏

率彼淮浦

漢有淮浦縣當因詩辭以立名水經云淮水至淮浦縣入海案
淮浦縣前漢屬臨淮郡後漢改臨淮郡為下邳國淮浦縣仍屬
焉今淮安府安東縣西有漢淮浦故城或云淮浦故城即今安
東縣治

省此徐土

此云徐土下云徐方徐國禹貢之徐州春秋之徐子國是也

三十年吳滅徐韓子昌黎云徐與秦俱出伯翳為嘉姓或字記
伯翳有二子大曰大廉秦其後也小曰若木別為費氏至夏氏
未其君費昌去夏歸商湯更封費氏之庶子於淮
泗之間徐地以奉伯益之嗣復命為伯使主淮夷
僖三年杜注

徐國在下邳僮縣東南括地志泗水徐城縣北三十里古徐國

卽淮夷也案今安徽泗州北八十里有古徐城路史徐城鎮在泗水之陽淮縣北

三十里有古徐城號大徐城周十一里書費誓徂茲淮夷徐戎

中有偃王廟徐君墓去徐州僅五百里並與孔傳云淮浦之夷徐州之戎並起為寇春秋昭四年楚子

會諸侯于申有徐子又有淮夷是淮夷與徐戎為二謂徐國卽

淮夷誤矣寰宇記之說甚明見前注路陳少南云淮夷卽徐州

之夷而服屬於徐曰徐方者兼徐淮而言之曰徐國者特言徐

戎也詩地理攷傳氏云在淮之北者徐戎也在淮之南者徐夷也

淮夷攸服

案春秋僖十三年公會齊侯宋公陳侯衛侯鄭伯許男曹伯于

鹹左傳云淮夷病杞故杜注云淮夷魯東夷十六年公會齊侯宋公陳侯衛侯鄭伯許男邢侯曹伯于淮杜注云淮臨淮郡左右左傳云謀郟且東略也杜注云郟爲淮夷所病故案臨淮郡今淮安府及泗州地此詩頌僖公平淮夷之實事也

戎狄是膺

鄭箋僖公與齊侯舉義兵北當戎與狄南艾荆及羣舒孔疏僖四年經書公會齊侯等侵蔡蔡潰遂伐楚楚一名荆羣舒又是楚之與國故連言荆舒其伐戎狄則無文唯十年經書齊侯許男伐北戎其時蓋魯使人助之師賤兵少故不書或別有伐時經傳脫漏如伐淮夷之類○國音詩云左氏僖十三年秋爲戎

難故諸侯成周齊仲孫湫政之十六年秋王以戎難告於齊徵諸侯而成周齊桓舉義兵僖公無役不從況勤王成周尤第一義豈有兩諸侯而無魯在中者以上二事解戎狄是屬其猶庶幾

荆舒是懲

春秋莊十年書荆僖元年以後皆書楚是荆楚者一國而二號

也楚屬荆州以荆山得名荆山在今襄陽府南漳縣西八十里或云其地多荆木以荆木得名荆木一名楚故又稱楚春秋

正義荆楚一木二名故以為國號亦得二名而路史以荆楚為二國謂荆為芊姓季連之封楚為芊姓後熊繹之封荆楚一本

故春秋初猶書荆不知何據楚子爵芊姓芊彌是反祝融重黎之後周成王初封

熊繹於楚蠻史記封以居丹陽今湖北宜昌府歸州也丹陽故

子男之田

城水經注江水又東逕一城北其城據山枕江北對丹陽城

據山跨阜周八里二百八十步東北兩面悉臨絕澗西帶亭下

溪南枕大江險峭壁立信天固也楚子熊繹始封之所都也楚

之先王陵墓在其間江水又東南逕薳城南括地志歸州巴東

縣熊繹之或云在今荊州府枝江縣此春秋釋例世族譜及史

始國也同今枝江縣西有丹陽城後漢志南郡枝江有丹陽聚案通典

云枝江縣楚文王自丹陽徙都亦曰丹陽路史云熊繹初封居

丹陽今之秭歸本曰西楚武王徙枝以為吳之丹陽者誤漢志

江亦曰丹陽是為南楚與舊說異郡丹陽縣故城在今太平府當

塗縣東大清一統志辨其誤水經注亦已辨之矣至熊達

疆盛僭稱王是為楚武王其子文王熊賁徙都於郢本史今荆

州府江陵縣也桓二年杜注楚國南郡江陵縣北紀南城也又

郢方與紀要文王始都郢今荊州府北十里有紀南城即故城

郢城也平王更城郢而都之今荊州府東北三里故郢城是昭

王徙都都漢志南郡郡縣昭王畏吳自郢徙此今襄陽府宜城

左傳定四年吳大郢六年遷郢於都

今襄陽府宜城

宜城

縣也縣南有楚王城水經注都縣北有大城即楚昭王自郢徙都

是也其地今有都鄉在都水傍又云宜城西南有都亭山路史

楚文所都為南郢都為北郢後復還郢秦拔郢頃襄王徙都陳

案都亦名郢郢見水經注後復還郢秦拔郢頃襄王徙都陳

本漢志今陳州府治考烈王徙都壽春漢志九江郡壽春邑考烈

考烈王遷鉅陽或曰即潁州西北命曰郢本史今安徽鳳陽府

之細陽城也二十二年又遷壽春也案戰國時有三楚之稱史記貨

壽州也三傳至負芻為秦所滅確傳淮北市陳汝南郡此西楚

也彭城以東東海吳廣陵此東楚也衡山九江江南豫章長舒

少昊後偃姓國詳路鄭箋云舒鳩舒鄆舒庸之屬春秋僖三年

徐人取舒杜注舒廬江舒縣左傳文十二年羣舒叛楚杜注羣

舒舒庸舒鳩之屬廬江南有舒城舒城西南有龍舒案漢舒縣

龍舒縣並屬廬江郡今廬江舒城二縣地廬江縣西有漢舒縣故城舒城南三里

有龍舒水漢於其地置龍舒縣宋省唐開元二十三年析合肥

廬江二縣地置舒城縣即春秋時舒鳩城姚姬傳云舒蓋得今

舒城南桐城北及廬江西地左傳杜注廬江南有舒城廬江郡

治舒而云南有舒城者三國兵爭舊治已壞魏晉徙郡治於舒

縣之北又漢舒縣當孔道六朝長北兵移治僻地宋齊舒縣城

徙東南即今廬江縣也隋因之改縣為郡同名唐又因之故章

懷後漢書注云舒故城在今廬江縣西以杜注章懷之言度之

漢舒治今舒城界內六朝之舒在今廬江縣隋無舒唐開元後

復置舒城略當漢晉故復案羣舒其國不一故統言以其非一舒

城之地宋元明因之

龍舒參楚滅八年舒庸成十七舒鳩襄二十五見杜氏釋例舒鮑

舒冀見孔氏正義大抵今廬州府廬江舒城巢縣文十二年杜

屬鳳陽府壽州潁州府霍上縣安慶府懷宜桐城二縣皆羣舒

地袁守記古舒鳩城在舒城縣城內又龍舒城舒鮑城俱在縣

城西一百里龍舒水南又有舒庸城與舒鳩城相似亦在縣城

內路史羣舒子爵舒庸在舒城舒鳩故城在舒城內舒蓼武德
四年為蓼州領霍丘七年廢入壽州龍舒故城在舒城西北舒水南
城懷遠皆有龍舒鄉大小龍山舒鮑城在舒城西北舒遠宜
小於諸城充之冀丘東南二十里有古冀丘城然與羣舒遠宜
別國又王伯厚云舒鳩今無為軍巢縣顧景范云舒庸在安慶
府境高氏士奇云龍舒故城在廬江縣東一百二十里姪姬傳
云龍舒蓋得今懷遠北桐城南地二縣之間有大小
龍山意古之龍舒境乎諸說互異並存之以俟考

至于海邦

鄭箋海邦近海之國季氏本云如萊牟之類是也萊今山東萊州府治掖縣

及登州府黃縣地牟或云在今登州或云今泰安府萊蕪縣有

漢牟縣故城即牟國也大清一統志兩存之又或云濟南府

治東二十里春秋僖二十九年春介葛盧來杜注

州南七十里愚謂介國亦是東夷國在城陽黔陳縣今萊州府膠

有古介亭孔疏云僖公之時東方小國見於盟會唯邾莒滕

杞而已今案莒國尚近海邾滕杞三國遠於海說未然邾今充

縣莒今沂州府莒州杞今開封府杞縣
並詳前滕故城在今滕縣西南十四里

有娥方將

有娥國名契之母家據史記索隱其地在今山西蒲州府路史

國名紀謂在陝虢間近之

陝今河南陝州也州東南有上陽城杜預云虢國都也又今蒲州平陸縣

唐屬陝州其地有下陽城為虢國邑杜佑云虢都

淮南子謂在不周之北恐非朱子云不應絕

遠如此

韋顧既伐昆吾夏桀

韋顧昆吾三國名韋卽承韋彭姓也在今河南衛輝府滑縣左

襄二十四年杜注東郡白馬縣東南有韋城通志今滑州韋城是也有秦龍井在韋城古城之內案宋滑州治白馬縣今滑縣也時韋城昨城顧已祀紀姓在今山東曹州府范縣襄宇記路二縣同隸焉

南二十八里 有古顧城 昆吾亦已姓今大名府開州東有昆吾故城其地於漢

晉屬東郡漢陽縣隋開皇十六年分漢陽置昆吾縣大業初併入武德四年又析漢陽置昆吾縣八年復省入路史漚之漢陽

昆吾氏之墟也隋昆吾縣城中有三國皆祝融後祝融之後八昆吾蓋所謂昆吾之觀夏末遷許

姓已姓昆吾蘇顧温董也董姓酸夷參龍也韋昭國語注云董姓已姓之別受氏

為國者有颶叔安之裔子曰董父以擾龍服事帝舜賜姓曰董氏曰參龍封之酸川當夏之與別封酸夷於孔甲前而滅矣昭

二十九年左傳杜注云參龍官名官有世功則以官氏又云酸水上夷皆董姓又釋例云酸川酸夷氏二名 彭姓彭

祖豕韋諸稽也禿姓舟人也韋昭云舟人國名 姁姓鄒鄒路偃陽也曹

姓鄒莒也芊姓楚夔越也斟姓無後蓋陸終生子六長曰樊為

已姓封於昆吾衛地是也蘇顧温董蘇温詳前皆昆吾後別封之國

董姓則已姓之別也二曰惠連封於參胡韓地是也為斟姓三

曰錢鏐

韋昭云名錢神仙傳云名鏐虞翻云名翦世本云名鏐鏐也

為彭姓封於大彭謂之

彭祖

世本堯封彭祖於彭城號大彭氏國春秋成十八年宋其魚石復入於彭城案彭城故城即今安徽省徐州府治

別封者為豕韋禿姓之所出也四曰求言

或曰求言當作萊為妘姓封於

鄆稱鄆人

鄆一作檜詳卷一

其後別封有鄆路偃陽

襄十年杜注偃陽彭城傳陽縣也章

懷太子云偃陽故城在承縣南今在兗州府嶧縣南五十里

五曰安為曹姓封於鄒莒其別

封也

鄆莒並詳前

六曰季連為芊姓封於楚夔越其別封也

韋昭云夔越芊

姓之別國也

楚熊繹六世孫曰熊摯有惡疾楚人廢之立其弟熊廷擊自棄於夔其子孫有功王命為夔子城水經注以為夔國初治

年楚滅夔今宜昌府歸州東有夔子城水經注以為夔國初治

平城後徙於此越國語以為芊姓史記越世家以為禹之苗裔

也外傳曰芊姓夔越是越本楚之別封也或非夏后之後也

語云醜夷豢龍則夏滅之矣彭祖豕韋諸稽則商滅之矣舟人

則周滅之矣史記云昆吾氏夏之世嘗為侯伯桀之時湯滅之

彭祖氏殷之時嘗為侯國殷之末世滅彭祖氏鄭箋云湯先伐

韋碩克之昆吾夏桀則同時誅也

檀弓注桀以乙卯日亡昭十八年左傳二月乙卯毛得殺

毛伯過葭宏曰是昆吾稔之日也寰宇記安邑有昆吾亭蓋湯

伐桀昆吾以兵助桀同時而滅故有亭非國於此也案昆吾亭

在今安邑縣西南一里何元子云湯十一征其見於尚書及竹

書者如葛如有雒如荆如温皆次第夷滅獨韋碩昆吾三國後

亡故以桀都安邑其故城在今山西解州夏縣北元和志安邑

夏縣東北十五里禹所都寰宇記禹自安邑都晉陽桀徙安邑旁為安邑縣縣北有鳴條岡與

奮伐荆楚

夏縣接界放於南巢今安徽廬州府巢縣也史記正義淮南子

與妹喜同舟浮江奔南巢之山而死路史南巢桀之封秦為居巢今無為之屬巢縣也古巢伯國

毛傳荆楚荆州之楚孔疏荆是州名楚是國名故云荆州之楚周有天下始封熊繹為楚子於武丁之世不知楚君何人愚案此詩稱荆楚猶大明稱殷商也蓋兼稱之辭詳前荆舒是懲李云漢南其氣燥剛稟性强梁故曰荆荆強也釋名以為取荆山之名荆警也南蠻數為寇逆常警備也嚴華谷云禹貢荆及衡陽惟荆州乃在南即荆楚也荆岐既旅至於荆山乃在西蓋雍州之荆也詩人以有二荆故以荆楚別荆岐耳

架入其阻

鄭箋架入其阻謂踰方城之隘案左傳杜注方城山在南陽葉縣南今在南陽府裕州東北四十里接葉縣南境

自彼氏羌

氏羌西戎也三苗後初三苗徙三危在今甘肅安西州古之瓜

州漢之燉煌地也後種類漸廣秦隴之間皆其所居常爲中國
患如夏后相征吠夷殷武丁伐鬼方王季伐鬼戎文王伐昆夷
穆王征犬戎遷之於大原夷王命虢公伐大原之戎至於俞泉
厲王宣王皆嘗伐戎幽王卒爲犬戎所弑而周室遂東遷矣平
王之末周室陵遲戎逼諸夏自隴山以東及乎伊洛往往有戎
魯昭公時晉滅陸渾之戎周貞王八年秦厲公滅大荔之戎韓
魏復稍并伊洛陰戎滅之其遺脫者皆逃走西踰汧隴自是中
國無戎寇唯餘義渠之戎後秦滅義渠始置隴西北地上郡焉
漢以後其類復盛有白馬羌一稱白馬氏先零羌燒當羌多姐羌等
名大抵今甘肅四川雲南皆氐羌所居尙書秦誓孔傳羌在西蜀正義蜀都分爲三羌

在其西故云西蜀地理今釋當在今陝西甘肅以西南接蜀漢
 塞外也史記西南夷傳西南夷君長以十數夜郎最大其西靡
 莫之屬以十數滇最大自滇以北君長以十數邛都最大此皆
 魁結耕田有邑聚其外西自同師以東北至牂牁名爲雋昆明
 皆編髮隨畜遷徙無常處無君長地方可數千里自雋以東北
 君長以十數徙徙都最大自雋以東北君長以十數冉駹最大
 其俗或土著或移遷在蜀之西自冉駹以東北君長以十數白
 馬最大皆氏類也此皆巴蜀西南外蠻夷也後漢書西羌傳西
 羌出自三苗姜姓之別其國近南岳舜徙之三危河關之西南
 羌地是也濱於賜支至於河首綿地千里賜支者禹貢所謂析
 支也羌爰創者不知何戎之別其後世世爲豪至會孫忍時秦
 獻公初立欲復穆公之迹兵臨渭首滅狄獍戎忍季父畏秦之
 威將其種人附落而南出賜支河曲西數千里與衆羌極遠不
 復交通其後子孫分別各自爲種任隨所之或爲犛牛種越雋
 羌是也或爲白馬種廣漢羌是也或爲參狼種武都羌是也忍
 及弟舞獨留湟中並多妻妻婦忍生九子爲九種舞生十七子
 爲十七種羌之興盛從此起矣忍子研最豪健自後以研爲種
 號景帝時研種留何率種人求守隴西塞於是徙留何等於伏
 道安故至臨洮氏道羌道縣武帝北卻匈奴西逐諸羌乃以河
 湟築令居塞初開河西列置四郡邊道王門隔絕羌胡直帝時

先零羌與諸羌盟誓將欲寇邊趙充國擊破平之元帝時多如
等七種羌寇隴西焉奉世擊破降之從爰劍五世至研其後以
研為種號研十三世至燒當復棗健其子孫更以燒當為種號
今案史記及後漢西南夷傳稱白馬氏後漢西羌傳又稱白馬
羌且以白馬出自爰劍是氏羌同類皆出於三苗又案山海經
大荒北經稱顛頊生驩頭驩頭生苗民苗民釐姓顛頊注云三
苗之民海內經稱伯夷父生四岳四岳生先龍先龍生氏羌氏
羌乞姓注云伯夷父顛頊師今氏羌其苗裔也此謂氏羌不出
自三苗與西羌傳互異而路史分氏羌為三以氏為炎
帝後姜姓國羌為帝鴻後釐姓國則又與前二書互異

右詩地理攷略二卷自辛丑癸丑再訂後稿又數易比年往

來南北沿夏口泝漢沔涉汝墳澮淇澳放棹泌水擊楫黃

河過申呂邳鄆衛之郊商邢舊許新鄭管叔仲山甫之故都

俯仰陳迹惓然有懷惜遊踪之不廣也壬戌夏次太梁館黃

莘農河帥幕獲考黃河北徙之道今夏留滯京師與少和

詩地理考
卷之二終
樞密霞舉駕部兩王氏商攷梁山所在返道長沙寓余萃舉
司馬宅盡發其所藏地輿書校訂一過蓋至是於詩地之學
始卒業焉是編繼王氏地理攷而作視其書詳而有條理或
不免缺誤尚望世之君子補訂云同治癸亥冬月繼美序後


詩地理攷略卷之二終

詩地理圖


風俗美惡關地氣之厚薄亦關教化之盛衰禮云廣谷大川異制民生其間者異俗此言地氣使然也顧同一西周周治之尙仁讓秦治之樂戰關同一南國未服文王之化則如彼既服文王之化則如此由是觀之教化者風俗之本也教化行豈地氣所能限哉十五國之風俗至不齊矣而究其風俗之所由無一不關於教化君子之德風不其信與愚釋詩地取證今日之地與非徒考信而已蓋欲規近世之風教焉夫地名屢變陵谷難移禹貢以山川定九州疆域爲地學之祖鄭氏譜諸國必推本禹貢有旨哉旣著其說如右並圖於左由說以案圖較然也

高女其國

總圖



寺也里圖



言十王日
三十七度
周召國 每方一百
秦地圖 二十五里


三十六度

三十五度


三十四度

三十三度

西極 度八西極 度七西極 度六西極



西極 度八西極 度七西極 度六西極



陳鄭衛地圖

北鄭衛 每方一百二十五里

三十五度


三十六度

三十七度

三十八度

三十九度

四十度



乙經 庚二西經 庚一西經 中經

度六西極

度五西極

度四西極

度三

三十七度

三十六度

三十五度

三十四度

三十三度


三十二度


度六西極

度五西極

度四西極

度三





唐魏地 每方一百二十五里

三十五度

三十六度

三十七度

三十八度

三十九度

西三

西二

西一


中

度七西極

度六西極

度五西極

度四西極



度七西極

度六西極

度五西極

度四西極

漢書地理志云凡民函五常之性而其剛柔緩急音聲不同繫水土之風氣故謂之風好惡取舍動靜無常隨君上之情欲故謂之俗孔子曰移風易俗莫善於樂言聖王在上統理人倫必移其本而易其末此混同天下一之乎中和然後教化成也

匡衡云朝有變色之言則下有爭鬪之患上有自專之士則下有不讓之人上有克勝之佐則下有傷害之心上有好利之臣則下有盜竊之民此其本也今俗吏之治皆不本禮讓而上克暴或恃害好陷人於罪貪財而慕執故犯法者眾姦邪不止雖嚴刑峻法猶不爲變此非其天性有由然也竊考國風之詩周南召南被聖賢之化深故篤於行而廉於色鄭伯好勇而國人

暴虎秦穆貫信而士多從死陳夫人好巫而民淫祀晉侯好儉而民蓄聚太王躬仁邠國貴恕由此觀之治天下者審所上而已

晁說之云晉之儉秦之好車馬鄭衛之音嬴上之娑娑以詩所記行四方察其風俗無不近者當其一時上之所爲豈自知人如此之深耶其漸靡使然

王伯厚云人之心與天地山川流通發於聲見於辭莫不繫水土之風而屬三光五嶽之氣因詩以求其地之所在稽風俗之薄厚見政化之盛衰感發善惡而得性情之正